

# Kolosi

---

**1** <sup>1-2</sup>Ɛ Pol-ta, Yesu Kerisoné ala eraḷe fópóló, Kótóné ama tuénétei, *aposel* whi sóró beteralepó. I dere aṣeta, ḍané no Timoti ḍamo wusuró bitu, ḍiḷ Kolosi bemó betó mole no nerapepaae ḍapó. ḍiḷ Yesu Keriso tuámó betepa, Kótóné ama so whipóló kae betero betereiteiné diaaḷ ama ala ḷaḷe eró tarapó. ḍané Aya Kótóné hamokoróló ḷaḷe tao sere alaró hosaa muni deyóló mo dua betere alatamo ḍiḷpaae erópóló yae.

## Talepaae mo kée yóló moma yaleteti

<sup>3</sup>ḍa teteróló kaae tare whi Yesu Kerisoné Alima Kótópaae momaturaalu, ḍiḷ keteréni kisipa ḷaḷe yó taru, Kótópaae mo kée du beteralepó. <sup>4</sup>Ti noatepae, ḍiḷ Yesu Kerisopaae kisipa tiki tiró bitu, Kótóné kae betero betere so whipaae yaala sókó fu beteralepó dere fo ḍané wosalepó. <sup>5</sup>Diaaḷ tuḷ tiki tiratere alaró yaala sókó fole alatamo ḷaḷe dumitei, take nalopaae eraaire wisi ala hepen bemó mulapóló kisipa mutu du beteralepó. Ti ai eraalopó dere alata, mené ḍiḷpaae bete mole fo i ape yóló yó male fo wisi wosale betené kisipa yalepó. <sup>6</sup>Take mené kale fo wisi ḍiḷpaae yó matepa wosaleiteiné, Kótóné bete mole mo fo tuámó bole ama ḷaḷe hamokoróló tao sere ala mo turó diaaḷ kisipa yalepó. Atéyale sukamó kaae sóró, ai fo ḍiḷ tuámó fakeraté fóló du wisi oleté walepó. Atére kaae i hae kwia feamó betó mole so whi tuámókélé ai fo wisi du oleyóló fakerótu beteralepó. <sup>7</sup>Ai fo wisita, Epapas-né ḍiḷpaae yó matepa wosalepó. Ai seké ąta, ḍa betą kutó diratere hosaa mole no bitu, ḍané ḍiḷ tao saalopó yale kaae, Kerisoné ala wisiyóló eró taru, ama ḍiḷ taosu beteralepó. <sup>8</sup>Téru, kale Ḍe Kepe Wisiné ḍiḷ tuḷpaae eratere yaala sókó fole ala ḍiḷnémo mepaae so whipaae erótu beteralepó fo ḍiḷpaae ene walepó.

<sup>9</sup>Atére betené, diaaḷ du betere ala ḍané wosale be ḍemó kaae saletei, miókélé ḍiamó moma dere ala ḷaḷe eró tarapó. Kótóné Ḍe Kepe Wisiné diaaḷ kepe bete tuḷpaae mo bete mole fo diriyóló kisipa dere alaró ama kisipa mole ala eraaire fosó fosói kisipatamo ḍiḷ tuḷpaae mo ti surópóló, momarótu beteralepó. <sup>10</sup>Ti ḍané momatu betere alata, ḍiḷ Talené ama so whi sutoró betero póló du beteralepó. ḍiḷ atei so whi bitu, diaaḷ du

betere alakélé fea ama kisipa feléyaaire ala eraalopó. Tétu, kae kae wisi ala deremó du wisi oleyóo, Tale a etei kaae Kótópóló kisipa deté fóo yaalopó. <sup>11</sup>Diã Talené ala eraai hõni, haḷe eraté fóló wisi kisipatamo dua kaae taté fõpóló, Talené ama kae ere ala tuamó bole fotokõne diã sũraalopó. <sup>12</sup>Diã Ayané tẽteróló kaae tare aõmó mole de wisinaale tuamó, Kótóné kae betero betere so whimó ama muló betere ɔla wisi diãkélé atimatamo betamó bitu sõpóló, Ayané diã sũratepa haĩtamo apaae mo kée yaalopó. <sup>13</sup>Dowi kisipatamo hoõko tẽteróló kaae tare diliki tuamó da betepa, Kótóné tao sóró ama hosaa mole naalené tẽteróló kaae tare aõmó betero póló dape salepó. <sup>14</sup>Da a tuamó atéro betereiteiné dowi alané da dokóló mupa, ama dupuróló haḷe fõpóló eralepó. Atétu, dané dowi alamó saai yale kwia fea ama haḷe kemeró betera póló.

**Yesu Kerisoné ama ere alané mepaae whi ó ere ala fea bosené falapó**

<sup>15</sup>Yesu Kerisota, mo whiné kelené kilinire Kótóné a ere ala kolõpóló haḷkearó betere asotóro betera póló. Tèru, ɔla ɔla fea aleyaaipatei, a mo taketi haḷe bitu, fea ala ama tẽteróló a topo whi betera póló. <sup>16</sup>I haemókélé, ó hepen bemókélé yó mole ɔla ɔla mo fea Kótóné Yesu Keriso tuamótóro kaarelipakalepó. Dané kelené kelere ɔla ɔlakélé, kelenire ɔla ɔlakélé, tẽteróló kaae tare doasi topo keperapekélé, atimané tẽteróló kaae tare alarapekélé, atima aõmó bitu, mepaae ala tẽteróló kaae tare keperapekélé mepaae kutó tẽteróló kaae tare whirapekélé fea amatóro alipakalepó. Aleyóló muló betere ɔla ɔla fea Kótóné apaae aleyae yóló ama naase tuamó mulatepa alipakalepó. Ti ai ɔla ɔla fea aleyóló muló betereitea, Yesu Kerisoné ama kisipa mole alatóro erõpóló erapó. <sup>17</sup>Fea ɔla fea aleyaaipatei, a mo taketi haḷe bitipakalepó. Aleyóló muló betere ɔlakélé, betó mole ɔlakélé fea a tuamó yó moletei, atima dokõ feané yaai dere ala du betera póló. <sup>18</sup>Yesu Keriso a topo bitu, da Keriso fake so whi ama tikitóro betepa, ama tẽteróló kaae tarapó. Ti folosóro a sukóló momó kepaareiteiné daḷkélé a yale kaaetóro yaalo ai ape. Atéreteiné mió a fea ala fea tẽteróló folosóro fale topo whi betera póló. <sup>19</sup>Ti noatepae, Kótóné ama ere ala mo turó a tuamó faanõpóló wisi kisipatamo eralepó. <sup>20</sup>Atéturaalu, Kótóné Yesu Keriso tuamó erale alané hepen bemókélé ó i haemókélé fea alatamo touyóló betamó wisiyóló betero póló, ama naalema filipaa ni tómó sókó fararale sameané bóe firalepó.

<sup>21</sup>Take diã Kótótamo betamó bitini kae bitu, diaaõ du betale dowi alané tuẽ tuamóitei Kótótamo bóe du betalepó. <sup>22</sup>Tépatei, mió Keriso a mo whi tiki daayóló sukãleteiné bóe firóló diã Kótótamo betamó betera póló. Ti aita, Kótóné keletómó me alakélé muni, mo kae so whi betóo, haõsóko felepóló só deraaire bete munire so whi betóo, yõpóló yalepó. <sup>23</sup>Ti Take diaaõ woseté wou betale fo wisipaae kisipa tiró betereitei taaréni, miókélé ai fo tuamó diriyóló bitu, nalopaae mo wisi ala kelaalopóló haĩtamo kaae taté bu betepa, ti Talené

keletómó ama kae betero betere so whi ai ape. Ai fo wisita, mepaaen diapaae yó matepa wosóo, Kótóné i hae kwia dokómó betero betere so whi feapaae yó maté kweyóo, E Pol-kélé ai fo yó melópoló kutó diratere whi sóro beteroó yalepó.

### Pol a so whi tao saaire kutó dirótu betale ala

<sup>24</sup>Yesu Kerisoné so whi ta ama tikitóro betepa, atima tao saairaalu, ama tikimó doasi seke salepó. Ama tikimó ai sale sekei ala kwia daaletei, mo ti kemeraairaalu, mió yalokélé diapaae kale fo wisi yó mótu betere mó, mepaae whirapené epaae sekei ala eraleteimó mo kée du betera p. <sup>25</sup>Eta, Kótóné ama so whi tao sóro kutó diratere whi bitu, ama bete mole fo mo turó diapaae yó melópoló, Talené e sóro beteralepó. <sup>26</sup>Ai fota, mo taketi bitiré wale so whiné kelaosóro kinóló moletei, mió Kótóné kae betero betere so whiné kolópoló hakearó betera p. <sup>27</sup>Juda meire fake so whi tuamó kae betero betere so whipaae ai kinóló mole ala, de fanu ke wisi bulapóló tué yópoló Kótóné ama kisipanétei hakearalepó. Ai ke bole wisi qlata, di tuamó betere whi Yesu Keriso ai ape. Ai seké di tuamó betere teiné, take nalopaae wisi de tuamó betaalopóló haıtamo betera p.

<sup>28</sup>Di fea Yesu Keriso tuamó me ala hasókó feni, mo donore so whi betepa, Kótóné keletómó yó melaai kisipa mutu, Yesu a etei kaae whipóló dané yó mótu betera p. Tétu, diaa du betere hoko ala taaróló wisi tupaee fae yóló ma fo yóo, Kótóné matere fosó fosói kisipatamo ama bete mole fo etéropóló yó melóo, du betera p. <sup>29</sup>Ai ala yaalopóló kisipa mutu, Yesu Kerisoné ama kutó keteketamo depe tukówei ala i du betere ape.

**2** <sup>1</sup>Di Kolosi bemó betó mole Keriso so whikélé, Laodisia bemó betó mole so whikélé, yalo kelepaa kilinire no nerapekélé, Talené tao sópoló kisipa mutu, e depe tukówei ala du betere tei diaa kisipa yaasepóló i dere ape. <sup>2-3</sup>Yalo yaai kisipa mutere ala i ape. Atima haepaae derepéni, yaala sókó fole alané atima fea dokóló, mo beta tuétóro mulu, keteké buóló betéro poló dapó. Aita hale mei, mo bete mole fo sóro taru, Kótóné ama hiró betere ala wisi mo turó tué yópoló du betera p. Ai hiró betere ala hakearale whi ta, me kae mei, Keriso atórotipó. Kótóné fosó fosói kisiparó bete mole ala wisitamo a tuamó kinóló mulapó. <sup>4</sup>Yalo diapaae i dere fota, mepaae whiné di dilikituraalu, kisipa tiki tiranére fo depa mo nisiyóló sya faosóro dapó. <sup>5</sup>Ti noatepae, eta diatamo betamó bitini, tika kae bitutei di kisipa keteréni, yalo hosaa tuamó tué hale yó tarapó. Yesu Kerisopaae diaa tué tiki mo ti diriyóló tiratere alakélé, mepaae du betere alakélé hoko ini, donotóro du betera p dere fo yalo woseturaalu, mo kée yóló e hainé sukutu betera p.

### Da ta mo hae whiné dere ala sya fumi, Yesu Kerisotamo betamó betera p

<sup>6</sup>Take diaa Yesu Keriso di tetéroló kaae tare Tale betero tu yale kaae, mió ama fo wosóló a tuamó bitu, ama erae dere alatóro sya fóló erótu

betae. <sup>7</sup>Atétepa, ti diaaꝓ betere bete mo turó Yesu Keriso tuꝓpaae muló betereitei ni feleke haepaae durupu dere kaae yaalopó. Diꝓ ꝓ tuꝓmó atéró bitu, take mepaae wh̄irapené diꝓpaae yó melale mo fo bete tuꝓ yó taru, ꝓpaae tuꝓ tiki tiratere ala mo ti faketé fóló, mo dirii wh̄i betenérápó. Talené diꝓpaae ai erale alarapemó kisipa mutu, mo kée dere fo dekéro yó tawae.

<sup>8</sup>I haemó doasi kisipa mole wh̄irapené mepaae bete munire fotei, bete mole fo aꝓróló diꝓ dilikóló mo fo wisi taaróló, kapala fo du betere tuꝓmó atimatamo beteraai wae saꝓsóró hotowaró kaae tawae. Ti atei kaae fota, Yesu Keriso tuꝓmó kaayóló dumitei, mo wh̄iné tuꝓre alaró i haemó tꝓteróló kaae tare fotokꝓ bole kepetamoné kaarótu beterapó.

<sup>9</sup>Ti noatepae, Yesu Keriso ꝓ mo wh̄i tikitóro daalutei, mo Kótótóro betereiteiné, Kótóné ere ala ꝓ tuꝓmó mo sꝓró beterapó. <sup>10</sup>Atépa, diꝓkélé Yesu Keriso tuꝓmó betereiteiné mepaae ala ꝓꝓꝓni, ama ere ala diꝓ tuꝓmó fꝓanóló mo sꝓró beterapó. Atéru, ó sꝓró i haetamo tuꝓmó betere mepaae tꝓteróló kaae tare keperaperó doasi doi mole keperapetamokélé, fea ama tꝓteróló kaae taru, ꝓ topo wh̄i beterapó. <sup>11</sup>Mo take bitiré wale Juda fake wh̄iné mo tiki sekaꝓ tukóló sirirótu yale kaae, diꝓ Yesu Keriso tuꝓpaae bitꝓ wale sukamó ama so wh̄ipóló siriró beterapó. Ti ai siritu, mo wh̄iné naasené eréni, Keriso ꝓ filipaa ni tó mó sukꝓleteiné ꝓané tó tikimó bole ekꝓlere ala tukóló taae faralepó. <sup>12</sup>Diꝓ wꝓi tóꝓualeteita, Yesu Kerisotamo betꝓmó douralepó. Yesu Keriso ꝓ mo ti sukꝓletei momó kepaaróló beterale Kótóꝓpaae ꝓané tuꝓ tiki tiró betereiteiné, diꝓkélé kisi betere bete sóꝓóló ꝓtamó betꝓmó kepaaróló beteró beterapó.

<sup>13</sup>ꝓané tó tikiné ekꝓlere ala tukóló taae falaai haꝓe muóo, take dowi ala du betóo, yale betené diꝓ sukóló molepó. Tépa, Kótóné diꝓkélé Yesu Kerisotamo betꝓmó kepaaróló beteróturaalu, ꝓané dowi alamó saai yale kwia mo fea ama tokóló aluralepó. <sup>14</sup>ꝓané yale dowi alamó ꝓꝓ só deraai dapóló kwia betꝓpaaeróló muté huturaalu deꝓle dukꝓ Kótóné Yesu Keriso filipaa ni tó mó oleróturaalu mo ti doróló aluralepó. <sup>15</sup>Atéyaiteiné kale tꝓteróló kaae tare keperaperó doasi doi mole topo keperapetamoné tare bóe dele ꝓla ꝓla Kótóné fasó salepó. Atéró Yesu Keriso filipaa ni tó mó sukuturaalu so wh̄i feané keletómó atima só deróló mo doasi haleralepó.

<sup>16</sup>Atérapa, mepaae wh̄iné diꝓ só deraairaalu, nokole ꝓla ó wꝓi ó tukóló mole be deꝓ ó kisi wélié sókó wapa ꝓla deteremó ó kutó diyaꝓsóró tukóló muló betere be deꝓkélé, wisiyóló sya fumipóló só deratere fo momókó wosaꝓse. <sup>17</sup>Ti ai dosꝓayale alarapeta mo ala mei, Kótóné ꝓꝓpaae eraaire wisi alané aso maaté erélipakalepó. Mo bete mole ꝓlata, ti Yesu Kerisopó. <sup>18</sup>Mepaae so wh̄i tuꝓmó bopé faketera ala bulutei, naameyóló dua betere aꝓ yóo, *ensel*-rape aꝓmó bitu, atima doi sóró horóo, du beterapó. Térapa, diꝓ Talené muló betere ꝓla wisi saasepóló, atei ala ekꝓle yóló du betere so wh̄i momókó sya faꝓse. Atei kaae so wh̄i atima i doasi ala kelalepóló,

fɔlo sɪyóló deté fu beteraþó. Atima tuékéle Dɛi Kepe Wisiné meni, hɔko bete munire kae kae dowi kisipa maaté ɔaturaalú, bopé faketu beteraþó. <sup>19</sup>Yesu Keriso ɔta, tiki né topo betepatei, atima atétu betere alané ɔtamo betamó olekenipó. Dɔta ama tiki bitu, ai topomó bole fotokóné tiki turó diriyóló daalɔpóló olekeratere feleke diriró beteraþó. Atépa, ai tiki doatere alata Kótóné amatei erótu beteraþó.

<sup>20-21</sup>Diɔ i haemó mara mole alarape tɛteróló kaae tare keperapené dere fo sya fóló du betaletai, Yesu Kerisotamo betamó sukale alané mo ti kemeró beteraþó. Téreteiné mió diɔ ai ala tuamó betepapakó, “I ɔla naɔse! ó I ɔla tawaɔse! ó i ɔla olaa yaɔse!” yóló ere fo aɔmó bitu, sya fóló eraalóé? Mo meipó. <sup>22</sup>Ti noatepae, mo whiné tuɛnétei i ala yaɔse ó i ɔla naɔse yóló yó mótu betere fota, bete muni mo aluyaalópó. <sup>23</sup>Atei kaae ala du betere so whi atima kisipa mole ala sya fóló, Tale aɔmó etéro betaalópóló yó melóo, bopé fake du bitutei naameyóló dua betere aɔyóo, atima tikimó felé dere ala ini, mo hapólui ala maaté yóo, du beteraþó. Atére alata, fosó fosó ere fo aɔpatei, dɔ hae whiné dowi ala yaai ekɛlere ala sesé yaaire fotokɔ mo bunipó.

### Kerisotamo kepaayóló betereiné tu wisi sya fae ere fo

**3** <sup>1</sup>Diɔta, Yesu Kerisotamo betamó kepaayóló beteraþa, diaaɔ hosaa mo turó ó hepen be tuamó mole alapaatóró muló bitu, kisipa yó tawae. Ti aimóta, Yesu Keriso ɔ Kótóné turu naase eró betere fakeró beteraþó. <sup>2</sup>I haemó mole alapaee kisipa muni, ó hepen bemó mole alapaee maaté kisipa mutu betae. <sup>3</sup>Ti noatepae, Yesu Keriso sukale sukamó diɔkélé ɔtamo sukóló, mió diaaɔ betere bete Yesu Kerisotamo Kótó betere tuamó kinóló mulapó. <sup>4</sup>Diɔ betere bete Yesu Keriso ama ere dɛ wisinaaletamo sókó wale sukamó, diɔkélé ai dɛ tuamó betepa so whi feané kelaalo ai ape.

<sup>5</sup>Téraþa, dɔ so whiné tó tiki né i haemó mole alarape yaai ekɛlere ala mo ti dóló alurae. Aita, so nópu nokole alakélé, sonaalei dowi alatamo hosekétere alakélé, me ɔla senée yóló au nokole alakélé, dowi kisipa mutere alakélé momókó yaɔse. I haemó mole wisi wisi ɔla senée yóló ekɛlere alata, kapala kótópaae moma dere aɔrapó. <sup>6</sup>So whiné ai alatamo haɔle du betepa, ti Kótóné fopaae buturaalu dowi kwia melaalópó. <sup>7</sup>Take diɔ mo hae whi doi muóló betale sukamóta, ai dosɔayale alarape sya fóló du betaleþó. <sup>8</sup>Téyaletai mióta, ai du betale dowi alarape derɔakele kuti sokóló taae fótu dere kaae, mo ti taae falae. Ai alarape i ape. Fopaae butere alakélé, fopaae buturaalu me whipaae eratere dowi alakélé, dei kisipa mutu me whipaae eratere sekɛi alakélé, me whi eróló doi doratere alakélé, dowi teka fokélé, mo taalae. <sup>9-10</sup>Téturaalu, diɔ take daayóló betale tikiró yale alatamo sókóló taae faróló, mo bete mole fo tuɛ siré furaalu, kisi whi aleraté fu beteraþó. Ai kisi whi kaarale sekéné asotóró

beterapa, dişisi kapala fo yaşse. <sup>11</sup>Da mió i betere kisi ala tuamó mepaae whi Juda fake betepa ó Juda meire fake betepakélé, me ęla meipó. Mepaae whi tiki sekaş tukóló siriró betepa ó siriró bitinipakélé, me ęla meipó. Krik be fo buni, kae hae kwiamó wale whi ó me ęla kisipani, mo belei sókó deyóló betere whikélé, kutó dirópóló wae sóró betero betere whikélé, ó wae sini mo haęle betere whikélé, me ęla meipó. Mo doasi bete mole alata me kae mei, da fea tuamó betere whi Yesu Keriso atóró ai ape.

<sup>12</sup>Atępa, Kótónę dię yaala sókó furaalu, mo kae so whi beteroşpóló sókó su erapó. Tęrapa, mepaae so whi paae yaala sókó fu kęlenę sukutere alakélé, mo wisi ala maatę eratereteikélé, deróló mo dua betere alakélé, ama enęre ala taaróló, naame yóló mo dua betere alakélé, fopaae butere ala hapale ini, sekęi ala haęle beleyóló kaae tatę fu betereiteikélé, ai dosęayale alarape feata, kuti derótu dere kaae yóló betae. <sup>13</sup>Mepaae whi haşókó fóló dere alamó sekę kisipa muóló, fonę hapale só deratere ala ini, me ęla meipóló kisipa keteróló, sekętei beletę fu betae. Ti noatepae, Talenę diaaę dowi ala fea me ęla meipóló kemerótu yale kaae, mepaae whinę diapaae me kwia muló betepa, me ęla meipóló haęle kemerae. <sup>14</sup>Ai alarape fea tęteró betere doasi bete mole ala i ape. Kutinę tiki turó husirótu dere kaae, ne nopaae kęlenę sukóló yaala sókó fole ala betę haęle yó tawae. Ti ai yaala sókó fole alanęta, kale dosęatę wale wisi alarape fea touróló dokorapó. Atęre alanę da fea wisi kisipa muóló beteroşpóló, mo ti şuró betrapó.

<sup>15</sup>Atęru, Yesu Kerisonę mótu betere hosaa muni deyóló mo dua betere alanę diaaę hosaa tuamó mole kae kae ala fea taleyóló tęteróló kaae tanópóló yae. Ti noatepae, Talenę dię fea a beterepaae ape yóló, mo betę tikitóró daaróló betero betrapó. Atęre alata, diaaę mole kisipakélé mo betętoró muóló beteroşpóló erapó. Tęrapa, diaaę hosaa tuamó Talepaae mo kęe dere ala suka fea haęle yó tawae. <sup>16</sup>So whi bemó suka fea bitu dere kaae, Yesu Kerisonę ama fo diaaę hosaa tuamó mo ti muóló şurópóló yae. Atęru, Talenę ala eraairaaalu, mo wisi kisipatoró muóló, u yó mótu i yó mótu dere alakélé, tu wisi sya foletę haşókó fóló dęe naaitere tu paae faşóró, ma fo u du i du dere alakélé haęle yó tawae. Tętu, Kótópaae wole fo duraalu, ama *buk*-mó aşęyóló muló betere wole fokélé yóo, mió i alimó du betere wole fokélé yóo, mepaae so whi paae Dęi Kepe Wisinę yó matere wole fokélé yóo duraalu, haıtamo diaaę hosaa turónę Kótópaae mo kęe du betae. <sup>17</sup>Atętu, diaaę mepaae dere ala ó dere fokélé fea da tęteróló kaae tare whi Yesu Kerisonę doi doasi mulóturaalu, ai sekęnę ama doimó Aya Kótópaae mo kęe du betae.

**Keriso so whi atima naale senaaletamo wisiyóló betae yóló dere ma fo**

<sup>18</sup>Dię whinę dokore sorape-ó, diaaę dere ala mo Talenę so whinę dere ala kaaetóró yaasepóló, diaaę whi rapenę dere fo wosóló aomó betae.

<sup>19</sup>Diã so dokore whĩrape-ó, diaaõ sorapepaae hapólui ala ó deteraaí fo ini, yaala sókó fole alatóró yó tawae.

<sup>20</sup>Diã naale senaale-ó, diaaõ hae ayané dere fo wosóló aõmó betae. Atétere ala Talené kilituraalu, a hẽkesetu beterapó.

<sup>21</sup>Naale senaale alimarape-ó, diaaõ naale senaale atima fomaake kisipa muaõsóró hasekãai ala eraõse.

<sup>22</sup>Kutó dirópóló wae sere whĩrape-ó, i haemó diã tẽteróló kaae tare whĩrape aõmó bitu, atimané erae dere ala fea erótu betae. Atimané kisipa tiki felé yópóló, atima keletómó maaté kutó hatepaa yóló ini, betepa ó alupakélé, betã alatóró yó tawae. Atimané diãpaae dirae dere kutó diróturaalu, wisi kisipa betãtóró muóló, Talepaae witamo dirótu betae.

<sup>23-24</sup>Diã tẽteróló kaae tare whĩta mo whĩtei, yaõ i ditu betere kutómó Talené dupu wisi melaalopóló, wisi kisipatamo ketekẽ buóló dirótu betae. Ti naao ai diterere kutóta, ya tẽteróló kaae tare whĩ Yesu Kerisoné kutópóló kisipa muae. <sup>25</sup>Téretei, Talené keletómó diaaõ me dowi alatamo depa, ti ai alamó mo dowi duputóró tokõ melaalo ai ape. Ti noatepae, Kótóné taleturaalu, mepaae whĩrape tao sóo, mepaae whĩrapemo só deróo ini, mo betã kaae alatóró eraalopó.

**4** <sup>1</sup>Wae sóró kutó diratere whĩ tẽteróló kaae tare whĩrape-ó, diãkélé tẽteróló kaae tare doasi hepen bemó beterapóló kisipa mutu, Kótóné donoi ala eróturaalu, diaaõ wae sóró kutó diratere whĩrape atimakélé, diã kaae mo whĩtóró beterapa, wisi alatóró erótua yae.

### Mepaae dere alarape hotowaró duraalu moma yae dere fo

<sup>2</sup>Diaaõ momaturaalu, noke kẽleiné ini, kele diriyóló bitu, hosaa tuãmó Talepaae mo kée yóló betere dokõ fea moma dere ala haõle yó tawae.

<sup>3</sup>Téturaalu, Tale Kótóné ama kinóló mole fo so whĩ feapaae yó melaaire tũ tukĩyópóló, ðãpaaekélé moma dere ala haõle yó tawae. Ti ai kinóló mole foné, Yesu Kerisoné diã Juda meire fake so whĩkélé tao saalopó. Atéyaaire fo wisi yó maté kutu betepa, atimané e *dipula* sóró i beteró betere ape. <sup>4</sup>Talené fo yaõ yó matepa, so whĩ feané wosóló bete mo wisiyóló kisipa yaaire fotóró yó melópóló momarótu betae. <sup>5</sup>Keriso meiyóló, haõle belapaae betere so whĩtamo diaaõ mepaae ala duraalu, Talené matere wisi kisipatamo ama ala eraaire be ðe mepaae haõle kemeraõsóró, ama alatóró erótu betae. <sup>6</sup>Atéturaalu, mepaae mo so whĩtamo diaaõ dere fokélé, Talené hamokoróló tao sere ala mo faõyóló sũru, naao ai dere fo atima feané wosetepa, kó felé kaae ðapó yópóló yae. Atéturaalu, mepaae so whĩné diãpaae kae kae wosetere fo depa, tokõ melaaire fo kóló kóló ini, mo donotóró tokõ melaalopó.

### Mo kemeróturaalu kõleó dere fo

<sup>7</sup>Yaõ mo hosaa mole no Tikikas-né e betere ala etérapóló diãpaae yaalo ai ape. Ti aõta, eõtamo Talené kutó diratere whĩ wisinaale betepa,

diã beterepaae wópóló dotęyaaí dapó. <sup>8</sup> Aã atéro wouraału, ðané du betere alakélé diãpaae yóo, diã fotokõ bulatere alakélé yóo, yópóló dotonatapó. <sup>9</sup> Dıaaõ be whıķó ðané mo hosaa mole no Onesımas-kélé, Talené kutó diratere whı wisınaale Tikıkas-tamo wópóló dotęyaaí dapó. ðané imó du betere ala fea ti atımaamoné diãpaae yaalo ai ape.

<sup>10</sup> Eıtamo betãmó *dıpula* betere whı Aristarkus-né diãpaae kõleó dapó. Banabas-né belema Mark-nékélé diãpaae kõleó dapó. Ai sekęmó kisipa mutu yało take diãpaae yale fo diaaõ kisıparapa, a wisıyóló dape sae. <sup>11</sup> Ðã tęteróló kaae tare whı Yesuné yakoma Yesu doi mupatei, Jastus-pó du betere whınékélé diãpaae kõleó dapó. Talené tęteróló kaae tare tuãmó mole ala erótu betere whırape kuamó ętamo kutó ditere Juda fake whırapekó sore betã betera-pó. Aıta Mark, Jastus, Aristarkus atımané yało kisipa felérótu betalepó. <sup>12</sup> Diã be whıķó Yesu Kerısoné kutó diratere whı Epapras-né diãpaae kõleó dapó. Betere dokõ ama diãmó momatu betereıeı i ape. Kótóné diã fotokõ bulóo, ama diãpaae eraaire ala turó eróló sũróo, Kótóné ama kisipa mole ala mo turó diaaõ tuę yóo yópóló, ketekę buóló momarótu betera-pó. <sup>13</sup> Yało diãpaae mo i dere ape. Ai sekęné diãmókélé, Laodısia beró Hierapolis be huluatamomó betó mole Kerıso so whıpaaekélé, me sekęı ala eraõsóró, ama hosaa mó suraału kutó ditu betera-pó. <sup>14</sup> ðané hosaa mole no *Dokta* whı Luk-ró Demas-tamoné diãpaae kõleó dapó. <sup>15</sup> Laodısia bemó betó mole ðané Kerıso ne nopaaekélé, kale so Nimparó ama bemó touróló bitua dere Kerıso so whıtamopaaekélé, yało kõleó dapó yae.

<sup>16</sup> Yało i dotonatere asę diaaõ dosãayóló kemetepa, ti Laodısia Kerıso so whınékélé dosãayópóló melae. Yało atımapaae dotonale asę diaaõkélé dosãayae.

<sup>17</sup> Artıpus-paae Talené yaãpaae dirae yale kutó diróló, mo ti kemerae yae.

<sup>18</sup> Eıta, Pol-né dapó. Yało diãpaae kõleó yóló i asętere fota, mo yało naasenétóro ai erapa kelae. E *sein* képiné dokóló *dıpula* betereıeı kisipa ketereni, kisıpatóro hãle yó tawae. Kótóné hãle hamokoróló tao sere ala diã tuãmó mulópóló yae.